

Te whaitake o te Tauria Whakahaere ki ngā Hapori Māori

Nau mai

Kei a tātou o tēnei whakatipuranga te wā kia pohewa, kia waihanga i tētahi pūnaha kairangi rawa, pūnaha ahumahinga, ringarehe hoki mō Aotearoa ka noho ai ko te ākongā te pūtake.

Whakairohia he toki, tāraia te anamata', koia tēnei ko te whakataukāki a Te Pūkenga e kapi ana i tōna tirohanga whānui –

Mā tēnei whakataukāki anō tātou e whakatītina i a kia mahitahi, kia hoe tahi mō te painga o ā tatou ākongā. Ka uru mai hoki ko ō tatou hoa Tiriti o Waitangi (ngā iwi me ngā hapū o Aotearoa), ā tātou kaimahi kōtuinga huri noa te motu, ā tātou kaitukumahi me ngā hapori.

Kia kotahi mai tātou, ka whai painga ā tātou ākongā kia whai mahi pai ināianei, ā, hei ngā rā kei te heke mai.

E taea ai e tātou, e tuari pārongo ana mātou mō te huarahi hei whai mā tātou kia mātua whiwhi ā tātou ākongā i ngā hua pai rawa hei ngā rā ki tua.

He aha ai? Ko koutou te aronga matua, ko ngā ākongā te pūtake o ā mātou whakaaro, mahi whakahere hoki.

Tuatahi ake, me tika te whakatū i ngā poupou o tō tātou whare, arā, ko te waihanga 'Tauria Whakahaere' mō Te Pūkenga. Koia ko te pou tarāwaho, hei whakaahua i ngā mahi a Te Pūkenga hei ngā rā ki tua.

Ko tāna hoki he whakaahua i ngā wheako anamata o ngā ākongā, kaitukumahi, kaimahi, me ngā iwi, hapū me ngāi Māori, me pēhea hoki tātou e kōkiri i te mana ōrite, inā koa mō ngāi Māori, ngāi Pasifika me ngā ākongā whaikaha.

Kua haere mai mātou ki a koutou ki te whakamārama i te Tauria Whakahaere, ki te kohi hoki i ō koutou whakaaro.

E tika ana kia mōhio mai koutou ko tēnei te hīkoinga tuatahi o tā tātaou haerenga whakaumu, me te aha, kāore tā mātou Tauria Whakahaere e whakaū ana i te hoanga o te whakahaere me tōna hanganga, ngā tikanga kaitiakitanga, me ngā rohe.

Hei te mutunga o te tau nei, hei tērā tau anō ka hoki mai mātou ki te rapu anō i ō koutou whakaaro i runga i ngā mahi hoahoa i te hanganga o Te Pūkenga.

Hei whakamārama

Ko te toki te taputapu tino taonga rawa o te ao Māori. Whakamahia ai tēnei taonga hei tārai waka, hei hanga whare, hei tua i te rākau, hei hanga taputapu anō. Inā ke ngā whakataukāki huhua mō te whakamahia o tēnei tino taonga, tae atu ki te tangata tino matatau ki tētahi mahi, i kīia ai 'he toki'.

Hāngai tonu te whakaaro mō te toki ki te ingoa nei a Te Pūkenga, koia anō tētahi kupu mō te tangata matatau, tautōhito rānei ki tētahi mahi. Ko te kupu 'whakairohia' hei whakaweawe i te tangata ki te whakapiki i ōna pūkenga, te whakangungu rānei i a ia ki tētahi taputapu. Ko te wāhanga tuarua o te kīanga e kōrero ana mō te āpōpō. Ko te tikanga o te kupu tārai he waihanga, he ahua, he hanga rānei i tētahi mea, ā, ko anamata he kupu anō mō ngā rā ki tua, te āpōpō rānei. Nā reira, he kōrero tēnei hei whakaaweawe i te tangata kia whai kia pūkengatia hei āwhina i a tātou katoa ki te waihanga i te ao o āpōpō.

Tukua mai ōu whakaaro mā te

Toro atu: yourvoice.tepukenga.ac.nz

Īmēra: yourvoice@tepukenga.ac.nz

E wātea mai ana te Tauria Whakahaere i tepukenga.ac.nz/opmodel

Tuwhera ai tēnei whaitanga atu i 18 October to 8 November.

Tiro wawe: He aha tōna whaitake ki a koe?

- Ka whai wāhi tō ākonga ki tētahi huarahi oranga tauwhānui e hāngai ki ō wawata me ō hiahia
- Ka mātua aronui ngā kaimahi ki a koe hei Māori kia tika te tautoko i a koe
- Ka tautoko mātou i tō ākonga kia hono ai tōna haerenga ako me tōna whānau, hapori, hapū, iwi hoki.
- Ka tautoko mātou i tō ākonga i runga i te mātauranga, tikanga me te ahurea Māori i roto i ōna whakaakoranga, ratonga tautoko, me te whakanui i a ia e angitu ana, e pāhekoheko ana ki ngā kaimahi me ngā kaitukumahi.
- Mā ō kōrero me ōu whakaaro mātou e ārahi kia hāpai i te whakahaere patu kaikiri, haumaruru hoki
- Kia mōhio mai koe ka whai hua tō ākonga i ngā taiao auaha, tuwhera mōu hei ākonga Māori, he mea waihanga tahi i runga i ngā hononga me Te Tiriti o Waitangi (ngā hapū me ngā iwi o Aotearoa).

Ōna taipitopito: He aha tōna whaitake ki a koe?

He wāhi nui whakahirahira tō ngā hapori Māori ki tā te ākonga Māori haerenga ako

E ai ki ētahi o tātou o ngāi Māori, i kī mai koutou me mātua whakarite kia tae atu te whānau ki ngā uiui kia mārama pū ki te ao o te ākonga me te āhua o te tautoko i a ia. He mea nui te whai wāhi mai o te whānau i te wā o te uiui, kia taea te whakapā atu ki a rātou.

Kua rongō mātou e hiahia ana ngā uri Māori kia kite i ngā kaimahi a Te Pūkenga i roto i ngā kura, e whai hononga ana i roto i te hapori. Kua kōrero mai ētahi he mea nui kia whakatinana ngā kaiako i ngā tikanga Māori me te ahurea Māori, Te whare tapawhā me Te Tiriti o Waitangi kia noho mauritau ā mātou ākonga i roto i tēnei taiao ako.

Mōhio tonu mātou inā ngā huarahi mātauranga ahurei mō ā mātou ākoanga Māori me ngā wero hoki. Mā tō mātou tirohanga me tō mātou huarahi oranga tauwhānui e hono ai mātou me ngā hapori Māori kia mārama anō ki ngā wawata me ngā hiahia o ngā ākonga Māori, me te wāhi ki a koutou i roto i tō rātou haerenga mātauranga.

E ngākaunui ana a Te Pūkenga kia whakaatāngia te mātauranga me ngā tikanga Māori puta noa i te haerenga ako. Mā konei e whai wāhi ai ngā hapori Māori ki te whanaketanga o ngā whakaakoranga me te tukunga, ngā ratonga tautoko, ngā hui whakanui i te angitu o ngā ākonga tae atu ki ngā mahi o ia rā.

Ka whai hononga hoki ā mātou kaimahi ki te hapori, ka mōhio hoki ki ngā wero me ngā huarahi ahurei mō ngā hapori Māori. Ka whakawhanaunga atu rātou ki ngā hapori Māori, ka tautoko hoki rātou i a koutou kia whai wāhi ki te haerenga ako. Mā konei mātou e whakaanga ki a koutou i roto i ō koutou ake wāhi, pērā i te marae. Kia mōhio tonu rā koutou me mātua whai mōhio tang ahurea ā mātou kaimahi katoa.

Ka whai wāhi ngā hapori Māori ki te angitū o te ākonga Māori

"Ki au nei ko te angitu ko te whai pūkenga kia whai koha au ki taku hapū me taku whānau."

Kua kī mai ngā ākonga Māori mō te hapori te angitu me te whānau ora, me te āhua o tō rātou whai koha atu.

E mōhio ana mātou ko tētahi mea hei whakahihiri i ā mātou ākonga Māori ko te hiahia kia whai koha ki ō rātou hapori. Ka tautokohia ā mātou ākonga, tāura hoki ki te whakawhanake i ngā pūkenga e tika ana hei whakaaweawe i tō rātou hapori, rohe, te motu me te ao.

Kei te mōhio mātou he tino wāhi tā koutou ki te angitu o te ākonga Māori, ā, ka hora atu taua angitu anō ki tō rātou whānau, hapū, iwi me te hapori whānui. Ko te hiahia o Te Pūkenga kia whakanui

ngā tāura Māori i tō rātou angitu i me o rātou hapori. He wāhi nui tō rātou ki te whakaotinga me te whakapōtaetanga, ā, e ngākaunui ana mātou ki taea e o koutou hapori te whakanui i ā rātou ākongā e ai ki tō rātou e hiahia ai.

He pūnaha, he hanganga hoki hei whakamana i te Māori

"Ko te kaha o te ao Māori kei te kaha o ngā hononga, ā, e kore tēnei āhua e ngaro - He tino taonga tērā ki au."

I kī mai ētahi ko tō rātou hiahia kia tokomaha ake ngā tāngata e hīkoi tahi ana me te iwi, ki te para huarahi pai ake mō te Māori. Me whai hurihanga nui a Te Pūkenga hei whakaumu i tā mātou whakahaere. Mā tēnei hoanga e turaki ngā taupā ā-pūnaha ka heipu mai, pērā i te kaikiri me ritaha i roto i o wāhi ako. E mōhio ana mātou ki ngā taupā ka puta i ā mātou pūnaha hei aukati i te hapori kia whai wāhi mai. pērā i ngā tukanga whakauru, aromatawai hoki, ka mutu he taupā anō ērā ki te angitu. Ka tautokohia tā mātou whakahaere hou e ngā pūnaha tika, pūnaha haumarū, ā, ka riro mā tō reo anō mātou e ārahi ki te whakarite i ngā pūnaha me ngā hanganga hei hāpai i te whakahaere whakamana tangata, kaupare atu i kaikiri. Mā konei me whai wāhi koutou ki te taha kaitiakitanga, taha kaiārahi hoki. I o mātou mahi katoa, ka whakaatu mātou i te ngākaunui ki te whakamana i Te Tiriti o Waitangi me ngā mātāpono e here nei i te hononga i waenga i te kāwanatanga me te Māori. Hei tūāpapa hoki Te Tiriti o Waitangi me te mana ōrite mō tā mātou whakahaere, ā, koia hei ārahi i a mātou ki te whakarite taiao manaaki, haumarū, auaha, tuwhera hoki mōu hei Māori anō.

Mā tō mātou whakahaere e tiaki, e hāpai hoki i te reo Māori, te mātauranga Māori me ngā tikanga Māori, ka mutu ka mātua whai kia tika te whakarato hei whakamana, hei tautoko hoki i aua āhuatanga. Mā Te Pae Tawhiti, tā mātou anga hiranga Tiriti o Waitangi e ārahi ā mātou mahi tara-ā-whare kia tutuki rā anō i te hiranga me te mana ōrite mō te Māori. Mā tō reo mātou e āwhina ki te whakarite i ngā taiao tika kia angitu ai koe, ki te ārahi hoki i ngā whakapainga ake.

Ko te Māori hei kaiārahi ā-rohe

Kua kōrero mai ngā ākongā mō te awenga o o rātou kura kia whiwhi mahi.

I kōrero mai ētahi kaiārahi pakihī mō te whai tikanga o te mātauranga Māori i roto i te ao pakihī. I kōrero hoki rātou ki te mea kia whakaaro pai ki ngā iwi me ngā hapū rerekē i roto i te mahi pakihī, me te āhua o tōna whai kaha ki te angitu.

E mōhio ana mātou he mea tino whai tikanga ngā pakihī Māori ki ngā hapori Māori, otirā i roto i ngā rohe. Ko ngā huarahi whakawhanake ā-rohe e aro ana ki ngā wawata pakihī o te Māori koia ka whai koha ki ngā otinga nunui mō te Māori. E ngākaunui ana a Te Pūkenga ki ngā kaupapa mahitahi i roto i ngā rohe e whai wāhi mai ana ngā kaitukumahi Māori, ngā ākongā Māori me ngā ahumahi Māori. Ko te whakahaere hihiri i ngā hononga me ngā kaitukumahi me ngā ahumahi Māori ka whakaniko i ngā wheako a te ākongā Māori, ka whai koha hoki ki ngā otinga pai ake.

Ka whai tonu a Te Pūkenga ki te whakamahere ki te whakarite hoki he pēhea e taketake ai te reo o ngā kaitukumahi me ngā ahumahi Māori.

Tukua mai ōu whakaaro

Kei te hiahia mātou kia rongohia mai ōu whakaaro. Ko ā mātou tino pātai kei raro nei, heoi, kei te hiahia tonu kia rongohia kōrero mai i a koe mō ngā take nui ki a koe e pā ana ki te Tauria Whakahaere, ahakoa te aha. Tukua ōu whakaaro ki: yourvoice.tepukenga.ac.nz

Ngā pātai

Mā te tukua mai i ō whakaaro mō ngā pātai i raro nei mātou e āwhina ki te whakaoti i Tauria Whakahaere ka tukua ki te Minita Mātauranga kia whakaaetia ā te marama o Tihema o tēnei tau.

Kōtuinga ako

Ko ngā kōtuinga ako he kōtuinga tīma ōkawa ka huitahi ki te whakamahi i ō rātou mātauranga, pūkenga, āheinga hoki i te tautoko i te tukunga o te mātauranga ahumahinga, ringarehe, me ngā kaupapa paetahi, tāura hoki.

- He whakaaro rānei ōu mō ngā kōtuinga ako e kōrerotia ana i konei?
- Ki ō whakaaro he pēhea ngā kōtuinga ako e whakarite ai i Te Pūkenga kia pai ake tōna tukua ki ngā ākonganga me ngā kaitukumahi?
- He aha pea ngā tino wero mā mātou hei pare atu?

Te whakarōpū i ngā mahi

I te Tauria Whakahaere, kua whakarōpūhia ngā mahi ki ngā ara e rua hei whakaaetia mēnā he mahi 'kōtuinga punga tahi' he mahi 'tukunga tohatoha' rānei.

Ko tā te kōtuinga punga tahi he whai kia ōrite tonu, kia tika te utu, kia whānui hoki te kōtuinga. Ko ngā mahi tukunga tohatoha ka rite kia tata ki te wāhi e tukua ai te ratonga, kia urupare ki ngā ākonganga, ō rātaou whānau, ngā kaitukumahi me ngā matea ā-rohe.

education is delivered in Aotearoa New Zealand.

- He kōrero rānei āu mō te āhua o tā mātou whakarōpū i ngā mahi hei mahi kōtuinga punga tahi, mahi tukunga tohatoha rānei?

Te whakamana i Te Tiriti o Waitangi

Me mātua whakaata e te Tauria Whakahaere ngā hononga Māori-Karauna e whakamana ai i Te Tiriti o Waitangi i roto i te kaitikitunga, ngā whakahaere, te whakanui hoki i ngā kaiārahi Māori i roto i ngā kaupapa whanaketanga ā-rohe, te tutuki hoki i ngā otinga ōrite mō ngā ākonganga Māori me ō ratou whānau, ā, he mea taketake anō tēnei ki ā mātou tikanga mahi e tutuki ai te mana ōrite i waenga i ngā iwi.

- Āe rānei e rite ana tā mātou Tauria Whakahaere kia tutuki i a ia ēnei hiahia?
- Ki ō whakaaro, he mahi atu anō hei whai mā mātou? (hei kaiako pea, hei kaitukumahi, hei ākonganga rānei)?

Mana ōrite i waenga i ngā iwi mō ngā huarahi me ngā otinga

Me mātua whakaata e te Tauria Whakahaere he mātāpono matua te mana ōrite me te whai wāhitanga o tā mātou whakahaere. Māna e taea ai tātou te ahu whakamua, kia whai mana ōrite mō ā tātou ākonganga me ngā whānau, me ngā kaimahi - mō ngā huarahi me ngā otinga.

- Āe rānei e rite ana tā mātou Tauria Whakahaere kia tutuki i a ia ēnei hiahia?
- Ki ō whakaaro, he mahi atu anō hei whai mā mātou? (hei kaiako pea, hei kaitukumahi, hei ākonganga rānei)?

Te urupare ki ROVE

E whakatakoto ana tō mātou Tauria Whakahaere i tā mātou e mahi ai, e pēhea mātou e whakahaeretia ai hei whakatinana i tā mātou tirohanga roa me ngā whāinga o te Whakahouanga o te Mātauranga Ahumahinga (RoVE).

- Kei te kite koe i tētahi āhuatanga hei panoni kia whakatinana i te tauria ngā whāinga o te whakakouanga o RoVE?

Te Mahitahi ā-Rohe

E whakatakoto ana tō mātou Tauria Whakahaere i te whakaaro nui kia mahitahi i roto i ngā rohe me ētahi hoa ā-rohe, ā-hapori hoki (pērā i ngā Rōpū Arataki Pūkenga ā-Rohe, te Manatū Whakahiato Ora, a Hīkina Whakatutuki, ng`akura me ngā whakahaere ā-rohe)

- He aha ngā huarahi e tuwhera ana mō ā mātou ākonganga, kaitukumahi me āu ake mahi hei whakarite kia mahitahi me ngā hoa ā-rohe?

He kōrero whānui mō te Tauria Whakahaere

- He kōrero anō āu mō tō mātou Tauria Whakahaere?

He kōrero whānui mō Te Pūkenga

- He kōrero anō āu mō Te Pūkenga me te huarahi kei whāia e mātou?